

吳黼堂
評註

陳無擇三因方

上海棋盤街
文瑞樓印行

有印原字委含書

縮錄 11-185 $\frac{6}{8}$

蘇子如

三因極一病源論粹方卷之十三

痰飲敘論

人之有痰飲病者。由榮衛不清。氣血敗濁。凝結而成也。內則七情擾亂。藏氣不行。鬱而生涎。涎結為飲。為內所因。外則六淫浸胃。玄府不通。當汗不泄。蓄而為飲。為外所因。或飲食過傷。嗜欲無度。叫呼疲極。運動失宜。津液不行。聚為痰飲。屬不外內因。三因所成。證狀非一。或為喘。或為欬。為嘔。為泄。暈眩。嘈雜。忪悸。煩懣。寒熱。疼痛。腫滿。癰癩。瘰癧。閉痞。膈。如瘋。如癲。未有不由痰飲之所致也。

痰飲証論

古方惟分四飲六証。不說三因。不知其因。病源先自。觀夫治飲之法。既用大小青龍桂枝防己五苓承氣。得非外因。參苓苓朮八味參蘇。得非內因。十棗葶藶大小半夏控涎破飲。不內外因。理固明矣。以此

類推。頗得倫要。今叙列諸証。以為治門。原其本因。施用湯藥。學者自宜詳審。所謂四飲者。即懸飲。溢飲。支飲。痰飲也。懸飲者。飲水流在脇下。咳吐引痛。溢飲者。飲水流於四肢。當汗出而汗不出。身體疼重。支飲者。咳逆倚息。短氣不得卧。其形如腫。痰飲者。其人素盛。今瘦。水走腸間。漉漉有聲。又有留飲者。背寒冷。如手大。或短氣而渴。四肢歷節疼。脇下痛。引缺盆。咳嗽則轉甚。又有伏飲者。膈滿喘咳吐。嘔發則寒熱。腰背痛。目淚出。其人振振惡寒。身暈惕。故曰四飲生六証。或云五飲者。即留飲。伏飲。合為一証是也。其脈皆弦。微沉滑。治之之法。懸飲當下治之。溢飲當發其汗。支飲則隨証汗下。痰飲則用溫藥。從小便去之。其間或隨氣上厥。伏留陽經腸胃。使人嘔吐眩暈背寒。或一臂不隨。其類風狀。不可不知。

痰飲治法

十棗湯 治懸飲咳吐引脇下痛。又治支飲咳煩胸中痛至百日一歲其脉弦者。

芫花炒

甘遂

大戟炒等分

右為末。棗十枚煎八分。去棗調藥。壯人一錢。瘦人半錢。平旦溫服。不下者。次日更加半錢。下後糜粥自養。若已下。不可再服。

大青龍湯 治溢飲身體疼重汗不出拘急痛。

麻黃七錢去節

桂枝

炙草各二錢半

石膏雞子大

杏仁四十粒去皮尖炒

右剉為散。每服四錢。薑五片。棗二枚。煎七分。溫服。一服汗者勿再服。復服汗多亡陽虛逆惡風煩躁不得眠也。

小青龍湯 治溢支二飲倚息不得卧反喘滿者。

麻黃去節

桂枝

炙草

芍藥

細辛

炮薑各三錢

五味子二錢

半夏三錢

右剉為散每服四錢煎七分渴者去半夏加花粉三錢微利去麻黃加炒莞花噎者去麻黃加附子一枚炮小便不利者去麻黃加茯苓五錢喘者去麻黃加杏仁三錢欬而上氣肺脹其脉浮心下有水氣者胸中痛引缺盆加石膏二錢半研。

防已桂枝湯 治膈間支飲其人喘滿心下痞堅面色黧黑其脈沉緊得之數十日醫吐下之不愈。

防已

三兩

桂枝

二兩

人參

四兩

石膏

六兩

右剉為散每服四錢煎七分溫服虛者即愈實者三日復發再復不愈宜去石膏加茯苓四兩芒硝一两半微利則愈。

小承氣湯 治支飲胸滿。

厚朴

四兩薑汁炒

大黃

二兩蒸

枳實

一兩炒

右為剉散每服四錢煎七分溫服不以時加減。

茯苓五味子湯 治支飲手足冷多吐口燥氣從小腹上衝胸咽手足

足痺面熱翕然如醉狀因復下流陰股小便難時復眩冒嘔腫

茯苓

兩四

桂心

炙草

各三兩

五味

二兩半

右㕮咀每服四錢煎七分服之衝氣即低反更咳滿者去桂加乾薑細辛各三兩咳滿止而復渴沖氣更發者以細辛乾薑為熱藥此法不當逐渴而反止者為支飲也支飲法當胃胃者必嘔嘔者復內半夏二兩半以去其飲飲去則嘔止其人形腫與痺者加杏仁二兩半若面赤如醉以胃中熱氣上薰加大黃三兩須詳証加減。

大半夏湯

治膈間有飲卒嘔吐心下痞眩悸

半夏

五兩

茯苓

三兩

加生薑七片煎服為散每服四錢

小半夏湯

治支飲嘔吐不渴

半夏洗七次

加薑十片煎服

葶藶大棗瀉肺湯 治支飲不得倚息

葶藶炒

令黃研細丸如彈子大

刻本方見肺癰門

用水三盞煮棗十枚至一盞去棗入藥煎至七分食後服金匱令

先投小青龍湯三服乃進此藥

五苓散

治疲人臍下有悸者挾痰涎沫而癩眩者飲也

刻本方見傷暑門

茯苓

澤瀉

猪苓

白朮

肉桂

茯苓湯

治心氣不行鬱而生涎胸脇支滿目眩以胸中有痰飲故也

茯苓

四兩

澤瀉

無

桂心

白朮

各三兩

炙草

二兩

右每服四錢煎七分服小便利則愈

參苓散

治胸中停痰宿水自吐出痰後心胸間虛氣滿不能食

人參

茯苓

白朮

各三兩

枳實

二兩

陳皮

半兩

右為散每服四錢加生薑三片煎服

八味丸 治失志腎虛鬱而生涎短氣喘咳當從小便去之中有茯苓故也

方見消渴門

參蘇飲 治痰飲食積胸中胸腕閉悶嘔吐痰涎眩暈嘈雜怙悻噦逆及痰氣中人停留關節手足躄曳口眼喎邪半身不遂食已即吐頭疼發熱狀如傷寒

人參 紫蘇 前胡 茯苓 桔梗 半夏 枳壳 陳皮

木香 甘草 嘔者加乾薑當是乾薑腹痛加白芍

右剉散每服四錢加薑七片棗一枚煎七分

破飲丸 治五飲停蓄胸腹結為癥癖支滿胸脇傍攻兩脇搶心疼痛飲食不下翻胃吐逆九種心痛積年宿食不消久瘧久痢遁尸疰忤癩癩厥暈心氣不足憂愁思慮女人諸疾但是腹中諸病悉

能治療。久服不傷藏氣。

華撥 丁香 胡椒 縮砂仁 烏梅 青皮 巴豆皮去

木香

蠟稍分各等

右以青皮巴豆用漿水浸一宿。次日漉出同炒。青皮焦去巴豆將所浸水淹烏梅肉。炊一熟飯時。細研為膏。和諸藥末為丸。菜豎大。每服五七丸。臨卧薑湯下。津液下尤佳。

控涎丹 凡人忽患胸背手脚頸項腰膝隱痛。不可忍。連筋骨牽引

鈎痛。坐卧不寧。時時走易不定。俗醫不曉。謂之走注。使用風藥及

針灸。皆無益。又疑是風毒結聚。欲為癰疽。亂以藥貼。亦非也。此乃

是痰涎伏在心膈上下。變為此疾。或令頭痛不可忍。或神志昏倦

多睡。或飲食無味。痰吐稠粘。夜間喉中如鋸聲。多流涎唾。手脚重

腿冷痺。氣脉不通。誤認為癰瘰。亦非也。凡有此疾。但服此藥數服。

其疾如失

甘遂

心去

紫大戟

皮去

白芥子

真者各等分

右為末。糊丸。桐子大。晒乾。食後臨卧。淡薑湯下。五七丸。至十丸。如疾猛。氣實。加丸數。不妨。其效如神。

強中丸

治胃脘虛寒。冷痰留滯。痞塞不通。氣不升降。口苦無味。不

思飲食。

良姜

炮姜

陳皮

青皮

各一兩

半夏

二兩

右為末。生薑自然汁。煮糊為丸。梧子大。每服二十丸。至三十丸。生薑湯下。凡中滿氣痞。服之甚效。

凡例

前証用藥。多出漢方。但古科劑。與今不同。已詳酌改。從今為用。如其校定。備見前說。唯外所因。証候難明。風燥寒凝。暑燥濕滯。皆能閉諸

絡鬱而生涎。不待飲水流入四肢而致支溢疼痛也。當以理推。無膠軌轍。

吳黼堂曰。論方多宗漢法。此治痰飲之不二法門也。余謂痰飲多喘滿而咳。與慢性之肺癆症相類。陳修園以飲為咳嗽之源頭。識見殊超。蓋欬嗽不已。痰涎壅盛。便屬肺癆。癆字從火。即病久氣血衰。而邪火猖獗之謂也。陳無擇於痰飲之結癖者。製破飲丸。於飲邪牽引筋骨鈎痛。痰唾稠涎。喉聲如鋸者。製控涎丹。方皆特效。有功千古。宜其醫名。至今為世推重也。

喘脉証治

夫五藏皆有上氣喘咳。但肺為五藏華蓋。百脈取氣於肺。喘既動氣。故以肺為主病者。右手寸口氣口以前。脉陰實者。手太陰經肺實也。肺必脹。上氣喘逆。咽中壅如欲嘔狀。自汗。皆肺實証。若氣口以前脈虛。

者必咽乾無津。少氣不足以息。此乃肺虛氣乏也。

杏參湯 治上氣喘滿。倚急不能臥。

杏仁 桃仁並麩炒 桑皮米泔浸一宿。蜜炙 人參各一兩

右為末。每服二錢。薑三片。棗一枚。煎服。

神秘散 定喘補心腎。下氣。

阿膠一分 雞腔腔一兩 白仙茅米泔浸三宿。炒各五錢 團參一分

右剉為散。每服二錢。糯米飲任下。

真應散 治年遠喘急不寧。不得眠臥。百藥無效。

白石英四兩。通明者。以生絹囊盛。用猪肚一具。以藥入。線縫定。煮熟。取藥出。再換雄猪肚一具。如前法。煮三枝。香了。取藥出。

研。控。乾。

右為末。以欵冬花二錢。入藥末二錢。更入桑皮二寸。薑三片。棗一

枚。煎七分。通口服。猪肚亦可煮服。但不用醬醋椒薑等調和。

麥冬湯 治上氣火逆喘急咽喉不利止逆下氣

麥門冬一兩 半夏六錢 人參錢一 炙草分一

清肺湯 治上氣脈浮咳逆喉中作水雞聲喘息不通呼吸欲絕

紫苑茸 杏仁去皮 訶子煨各二兩 漢防已一兩

右剉散每服四錢煎七分入雞子清沖服

神秘湯 治上氣不得卧

陳皮 桔梗 紫蘇子 五味子 人參各等分 用水煎服

皺肺丸

貝母 知母 欵冬花 秦艽 阿膠 紫苑茸 百部去心

糯米炒各一兩 杏仁四兩去皮

右為末將羊肺一具先以水灌洗看容得水多少即以許水更添些煮杏仁令沸濾過灌入肺中繫定以糯米泔煮搗成膏搜和前

藥末杵數千下。丸桐子大。每服一錢十丸。食前桑皮湯下。

理氣丸 治氣不定動便喘咳。遠行久立。皆不能住。汗出鼻乾。心下

急痛。苦悲傷。卧不安。

杏仁

去皮尖
麩炒研

桂枝

去皮各
一兩

益智仁

去皮
各二兩

炮薑

各二兩

右為末。蜜丸。桐子大。以鍾乳粉為衣。米湯下三十丸。

黑錫丹

硫黃

黑鉛

各二兩。先鎔黑鉛成汁。入硫黃在內。令煖起。候硫黃化。傾出入于九重紙上。着地急以蓋蓋。出火毒。

陽起石

木香

沉香

青皮

各五錢

肉果

茴香

炒

附子

葫蘆巴

烏藥

破故紙

各一兩

川椒

錢五

右為末。酒糊丸。梧子大。每服三十五丸。濃煎人參茯苓生薑大

棗湯下。

刻本方見眩暈門。

白散子

刻本方見中寒門。二藥皆可用。

附子

滑石 半夏

吳黼堂曰。喘無善症。大抵由氣管支生病。而痰涎干之也。其中有宜用黑錫丹者。喻嘉言雖極誇其效。然病機到此。已屬肝腎衰敗。元氣上奔。至危至急之候也。

肺痿肺癰敘論

肺為五藏華蓋。百脈取氣運動血脈。衛養藏府。灌注皮毛。將理失宜。氣與血亂。皆成肺痿肺癰矣。然五藏皆有痿癰。而獨論此者。以肺屬金。數盡於陽九。位最高。而為五藏長。多致此病。故獨論此。餘如內癰及五痿說。又此病多生喘咳。故列於痰飲喘咳。

肺痿証治

病者寸口脈數而虛。按之濡。身冷內煩。多吐唇燥。小便反難。大便如爛瓜。豚肝狀。欲咳不咳。咳出乾沫。吐中出血。心中溫溫液液。上氣喘。

滿。或燥而渴者。多因發汗。利小便。或嘔吐消渴。數服。駛藥。重亡津液。致熱在上焦。故成肺痿。

甘草乾薑湯 治肺痿。多吐涎。小便數。肺中冷。必眩。不渴。不效。必遺溺。所以然者。上虛不能制下也。

炙草

四兩

炮薑

二兩

右為末。每服四錢。棗三枚。煎七分。

人參甘草湯 治肺痿。咳吐涎沫不止。咽燥而渴。

人參

一兩

炙草

半兩

加薑五片。棗三枚。煎七分。

溫液湯 治肺痿。涎唾多。出血。心中溫溫液液。

炙甘草 為散。每服四錢。

肺癰証治

病者寸口脈數而實。按之滑。欬吐膿血。口中辟辟燥。胸中隱隱痛。口

乾喘滿咽燥不渴。多吐濁沫腥臭。時時振寒。熱之所過。血為凝滯。蓄結癰膿。吐如米粥。故為癰。始萌可救。膿成則難治。

葶藶大棗瀉肺湯 治肺癰。胸滿脹一身。并面目浮腫。鼻塞。清涕出。

不聞香臭。酸辛咳逆。上氣喘鳴迫塞。

葶藶

炒令黃。研細。丸彈子大。

棗十枚

煮湯。合前藥。食後服。金匱令先進。小青龍三服。乃進此藥。

小青龍湯方。見痰飲門。

如聖湯 治咳而胸滿振寒。脉數滑咽乾不渴。時出濁吐腥臭。久久

吐膿若粥者。為肺癰。

桔梗

一兩

甘草

二兩

煎飲服無時。

葦葉湯 治肺癰。

米仁

冬瓜子

桃仁

去皮尖。等分一兩。

右先煎葦葉湯。入藥再煎。食後服。或吐膿血。勿怯。

吳黼堂曰。肺痿肺癰寒熱異治。乃方論不多。而應有盡有。蓋學古而有心得也。

腰痛叙論

夫腰痛雖屬腎經。亦涉三因所致。在外則藏府經絡受邪。在內則憂恐怒。以至房室墮墜。皆能使痛。方書五種之說。未為詳論。但去世愈遠。文藉簡脫。難以討論。雖是缺文。不可棄置。隨其有無。提其綱目。庶幾後學以類推尋。為治療之典據耳。

外因腰痛論

太陽腰痛。引項脊。尻背骨。如重狀。陽明腰痛。不可以顧。顧則如有所見。善悲。少陽腰痛。如針刺其皮。循循然。不可俯仰。不可以顧。太陰腰痛。煩熱。腰下如有橫木。居其中。甚則遺洩。少陰腰痛。痛引脊內。厥陰腰痛。腰中強急。如張弩弦狀。此舉六經。以為外因治備。大抵太陽少陰

多中寒。少陽厥陰多中風熱。太陰陽明多燥濕。以類推之。當隨脈別。其如經中。有解脈散脈同陰會陰陽維衛絡直陽飛陽肉里尻交等穴。皆不出六經流注。但別行皆有所主。不欲繁引。讀尋內經刺腰痛論。以備明之。准此從所因。汗下施治。

內因腰痛論

失志傷腎。鬱怒傷肝。憂思傷脾。皆致腰痛。以腎肝同系脾胃表裡。脾滯胃閉。最致腰痛。其証虛羸不足。面目黧黑。遠行久立。皆不能盡。失志所為也。腹急脇脹。目視眩暈。所祈不得。意淫於外。宗筋弛縱。及為白淫。鬱怒所為也。肌肉濡瀆。痺而不仁。飲食不化。腸胃脹滿。閉塞腰脇。憂思所為也。准此從內所因。調理施治。

不內外因腰痛論

腎着腰痛。冷如水。身重不渴。小便自利。飲食如故。腰以下冷重如帶。

五千錢。因作勞汗出。衣裏冷濕。久久得之。腎切對腰痛者。偃僂重腫。引季脇痛。因於墜地。惡血流滯。及房勞疲力。耗竭積氣。致膈疼痛。准此從不內外因。補瀉施治。

腰痛治法

獨活寄生湯 夫腰痛皆由腎氣虛弱。卧冷濕地。當風所得。不及時速

治。喜流入脚膝。為偏枯冷痺。緩弱疼重。或腰脚痠痛腫痺。宜急服此

獨活三兩 桑寄生 杜仲製炒 細辛 牛膝酒浸 秦艽 茯苓

白芍 肉桂 川芎 防風 炙草 人參 熟地 當歸各二兩

右為末。每服四錢。煎七分。去滓。空心服。氣虛下利。除地黃。併治新

產腹痛。不得轉動。及腰脚痠痛痺弱。不得屈伸。此湯最除風消血

肘後方。有附子一枚。無寄生。人參甘草當歸。近人治歷節風。并脚

氣流注。甚效。

小續命湯 治風腰痛最妙。

麻黃 防風 人參 黃芩 肉桂 炙草 白芍 川芎

杏仁 附子 加桃仁麩炒去皮尖 刻本方見中風門。

牛膝酒 唐州刺史王紹顏傳信方云。頃年予在蘇州得腰痛不可忍。醫以為腎傷風毒攻刺。即製此方。一劑服之。便減半。步履漸輕。

牛膝 川芎 羌活 骨皮 五加皮 米仁各一兩 甘草

生地十兩 海桐皮各二兩 一法有杜仲一兩 薑兩

右㕮咀。帛裹。入無灰酒二斗。浸。冬七日。夏分數服。浸三五日。每服一杯。日三四杯。長令酒氣不絕為佳。

杜仲酒 治風冷傷腎。腰痛不能伸屈。並補腎虛。

杜仲去皮一斤。薑汁炒 用無灰酒三斗。浸十日。每服二三合。日四五服。

腎着湯 治腎虛傷濕。停着為痛。身重腰冷。如水洗狀。不渴。小便自

利飲食如故。腰以下冷痛。重如帶五千錢。

炮薑 各四兩 茯苓 各四兩 炙草 各二兩 白朮 各二兩

右以唾每服四錢煎七分。又治體虛自汗甚效。

茯苓白朮各四兩。炮薑炙草各一兩。

鹿角丸 治腎虛傷冷。冷氣入腎。其痛如掣。

附子 二兩 炮 肉桂 三分 上鹿角屑 一兩 酥炙黃

右為末。酒糊丸。如桐子大。每服三五十丸。鹽酒下。

安腎丸 治腎虛腰痛。陽事不舉。膝骨痛。耳鳴口乾。面色黧黑。耳輪

焦枯。

補骨脂 炒 葫蘆巴 炒 茴香 炒 川棟子 炒 川斷續 各三兩 炒

桃仁 去別研 炒 去皮 杏仁 如上 法 山藥 炒 白茯苓 各二兩

右為末。蜜丸。桐子大。鹽酒下五十丸。

青娥丸 治肝腎虛腰腿重痛并治風濕脚氣常服壯筋骨補虛填
精益髓

杜仲

一斤蓋
汁炒

生薑

十兩
曬乾

破故紙

一斤
炒

胡桃肉

一百二十枚
去皮研膏

右為末用胡桃肉膏同蜜搜勻丸如桐子大鹽酒任下食前服

神應丸

治腎經不足風冷乘之腰痛如折或引背脊俛仰不利轉

側亦難或勞疫過度勞傷腎經或卧冷濕傷腰或墜墮傷損並宜

服之

威靈仙

二兩

桂心

當歸

各一兩

右為末酒糊丸桐子大煎炒茴香湯下三五十九丸凡婦人煎官桂

湯下。妊娠忌服。一法加破故紙桃仁地膚子等分。

立安丸

治五種腰痛常服補腎強腰脚并治脚氣

破故紙

生

川斷

木瓜

牛膝

酒浸

杜仲

各一兩

薑汁炒

萆薢

各二兩

右為末。蜜丸。桐子大。鹽酒任下。五十九。

五積散 治感寒濕與脾胃氣閉腰痛最效。

蒼朮 桔梗 陳皮 白芷 炙草 當歸 川芎 白芍

茯苓 半夏 麻黃 乾薑 枳殼 桂心 厚朴 若太陰經

加桃仁。

右以咀。每服四錢。加薑棗煎服。刻本方見傷寒門。

熟大黃湯 治墜墮閃胸腰痛不可忍不能伸屈。

大黃 生薑錢各五炒 同炒。令焦黃。水浸一宿。煎去滓。五更服。天明

所下如雞肝者。即惡物也。

橘子酒 治打撲腰痛惡血蓄瘀不可忍。

橘子炒去皮研為末 每服二錢酒調下。未效再作。或用猪腰子一隻去筋

膜破開入藥末。加葱白苗香青鹽濕紙裹煨煮細嚼溫酒下。

桃仁酒

治腎虛風勞所傷。毒腫掣痛。牽引小腹連痛。

桃仁

麩炒去皮尖研

每服四錢。熱酒調下。即汗愈。

吳黼堂曰。腰痛有由死血者。有由濕痰溢飲凝滯者。此症最多。本書獨不言及。真缺點也。

虛損証治

難經論損。從皮毛至於筋骨者。此乃辨氣脈淺深次第也。原其所因。屬不內外。或大病未復。便令陰陽或疲極筋力。飢飽失節。盡神度量。叫呼走氣。所以諸症蜂起。吐血衄血。便血瀉血。遺泄白濁。冷滑洞瀉。自汗盜汗。嘔吐咯哕。涎沫痰飲。遂至榮衛之失。虛勞損傷。皆至此始。蓋皆由於人身常理而致然也。况婦人產蓐。過於大病。虛損尤多。不可不知。列而論之。証狀非一。姑舉數條。以為治備。要當攷尋脈理。推其元氣胃氣。資始資成。扶助陰陽。別辨標本。亦不可隨証冷熱妄。

行施治。要論云。粗工嘻嘻。以為可攻。治熱未已。寒病復始。同証異形。迷氣亂經。學者謹之。精思有靈。

正元散 大治元氣虛弱。臍脹滿。心脇刺痛。泄利嘔吐。自汗。陽氣漸微。手足厥冷。及傷寒陰疔。霍亂轉筋。以下冷利。少氣羸困。一切虛寒。

人參 茯苓 白朮 黃芪 炙草 烏藥 山藥 附子

川芎 乾葛各一兩 烏頭 肉桂 紅豆 炮薑 陳皮各三錢

右各咬咀。每服錢。加薑棗鹽少許。煎服。刻本方見自汗門。

麝香鹿茸丸 治精血耗散。血少不增。陽道不興。服此調榮衛。利腰

脚。補精血。主諸虛百病。

鹿茸酥炙一兩 熟地二兩 沉香三分 麝香別研一錢

右為末。入麝香研勻。蜜丸。桐子大。溫酒鹽湯任下。三十九。

大山芋丸 治諸虛百損。五勞七傷。肢體沉重。骨節酸疼。心中煩悸。唇口乾燥。面容少色。情思不樂。咳嗽喘乏。傷氣傷血。夜多異夢。盜汗失精。腰背強痛。臍腹弦急。嗜卧少起。善驚多忘。飲食減少。肌肉瘦悴。又治風虛。頭目眩暈。心神不寧。又病後氣不復常。漸成勞損。久服補不足。愈風氣百病。

山芋

七兩半

當歸

肉桂

神麩

炒

熟地

大豆黃卷

各二兩半

防風

各兩半

川芎

白芍

白朮

杏仁

麥冬

去心

柴胡

茯苓

桔梗

各一兩

阿膠

麩炒一兩七錢半

人參

一兩七錢

炮薑

三分

款冬花

五錢

大棗

一百枚。煮去皮核。

甘草

右為末。蜜與棗肉同杵和丸。如彈子大。每服一丸。溫酒鹽湯任嚼。

下。虛勞遺泄白濁。加龍骨二兩。

又內加琥珀一兩。遠志一兩。茯苓二兩半。即是養心丹。

羊肉丸 治真陽耗竭。下元傷憊。耳輪焦枯。面色黧黑。腰重腰弱。陽事不興。常服壯元陽。補真氣。益精駐顏。

補骨脂炒

葫蘆巴炒

茴香炒

川棟子

以上各炒

川續斷

川附子炮

茯苓各三兩

桃仁麩炒去皮尖研

杏仁同上法

山藥

炒各二兩

右為末。以精羊肉四兩。酒煮。研細入麩。和丸如桐子大。鹽酒湯任下。三五十九。

大神補丸

治元藏虛憊。血氣不足。白濁遺泄。自汗自利。口苦舌乾。

四肢羸瘦。婦人諸虛。皆主之。

木香炮

附子炮

茴香炒

茯苓酒浸

川椒

炒出汗各十兩

牛膝

酒浸

桃仁炒去皮尖

巴戟心去

黃芪

澤瀉

胡蘆巴

五味子

各五兩

羌活

檳榔

天麻

肉桂

各二兩

川芎

白蒺藜

炒去刺

右剉末。蜜丸。梧子大。鹽湯溫酒任下。三五十九。

兔絲子丸 治腎氣虛損。五勞七傷。小腹拘急。四肢酸疼。面色黧黑。

唇口乾燥。目暗耳鳴。心忪氣短。夜夢驚恐。精神困倦。喜怒無常。悲

愁不樂。飲食無味。舉動乏力。心腹脹滿。腰膝緩弱。小便滑數。房室

不舉。服肉濕痒。水道澀痛。小便出血。時有遺瀝。

兔絲子酒浸 桂心不焙 鹿茸去皮切 澤瀉炮附子 石龍芮各一兩

菘蓉酒浸 杜仲薑汁炒 茯苓 熟地 巴戟去心 山茱萸

華澄茄 沉香 茴香炒 補骨脂炒 石斛 牛膝酒浸 川斷

川芎 五味子 覆盆子 桑螵蛸酒浸炒 各五錢

右為末。酒糊丸。如桐子大。每服三十丸。溫酒鹽湯任下。脚膝無力。

木瓜湯下。淋閉木通湯下。

妙應丸 治脾元虛弱。久積陰冷。心腹滿痛。面色青黃。肢體瘦弱。怠

惰嗜卧。食少多傷。噫氣吞酸。噦逆惡心。腹中虛鳴。大便泄利。胸膈

痞塞。食飲不下。霍亂嘔吐。肌冷轉筋。及五膈五噎。久痛久利。

附子雙四六七錢重者。生去皮臍。剉作孔。入硃砂一兩七錢。麩裏煨。

熱去麩。刻本方見癰痛門

華撥 木香 青皮各二兩 破故紙三兩

右為末。麩糊為丸。桐子大。生薑陳皮湯下。三十九丸。

增損樂令湯 治諸虛不足。小腹急痛。脇肋膜脹。臍下虛滿。胸中煩悸。面色痿黃。唇乾口燥。手足逆冷。體常自汗。腰背強急。骨肉酸痛。咳嗽喘急。不能飲食。或因勞傷過度。或因病後不復。

黃芪 人參 橘皮 當歸 桂心 細辛 前胡 甘草炙

茯苓 麥冬去心 芍藥各二兩 附子炮 熟地各一兩 半夏二兩

遠志三分
去心

右以咀。每服四錢。薑五片。棗二枚。煎七分服。若腹滿食少。去棗。

下焦虛冷。不甚渴。小便數者。倍人參當歸附子。煩渴引飲。加花粉。遺泄白濁。加龍骨白斂。小腹急引心痛者。加乾薑。

人參養榮湯。治積勞虛損。四肢沉滯。骨肉酸疼。呼吸少氣。行動喘咳。小便拘急。腰背強痛。心虛驚悸。咽乾唇燥。飲食無味。陰陽衰弱。悲憂慘戚。多卧少起。久者積年。急者百日。漸至瘦弱。五藏氣竭。難以振復。又治肺與大腸俱虛。咳嗽下利。喘促少氣。嘔吐痰涎。

黃芪 人參 當歸 桂心 甘草炙 陳皮 白朮各一兩

芍藥三兩 熟地 五味 茯苓各三分 遠志去心炒 咳嗽加阿膠二兩

右以咀。每服四錢。加生薑大棗煎七分。遺精加龍骨一兩

十補丸。治真氣虛損。下焦傷竭。臍腹強急。腰脚疼痛。亡血盜汗。遺精白濁。大便自利。小便滑數。或三消渴疾。飲食倍常。肌肉消瘦。陽事不舉。顏色枯槁。久服補五藏。行榮衛。益精髓。進飲食。

附子炮

炮薑

肉桂

兔絲子

酒浸

厚朴

薑汁炒

巴戟

遠志

去心薑汁炒

破故紙

炒

赤石脂

煨各一兩

川椒

炒去汗去合口者一兩

右為末以酒和丸如梧子。溫酒鹽湯任下。

遠志丸

治心腎氣不足驚悸健忘夢寐不安遺精面少顏色足脛

酸疼。

遠志

去心炒

山藥

炒

熟地

龍齒

煨水飛

天冬

去心

麥冬

去心各六

兩

五味

車前

炒

茯苓

茯神

骨皮

肉桂

各五兩

右為末煉蜜丸桐子大溫酒下三十丸至五十丸酒米湯任下。

張走馬家秘真丹

治房室過度或用意思維或精洩自出腰背酸

弱不能屈伸食不生肌兩脚疼痛不能步履

草烏

或用川烏以牡蠣同炒裂去皮臍去牡蠣不用一兩

五倍子

錢五

右為末糯米飯和丸桐子大鹽湯下三五十九

蓮子丹 治真氣虛憊口苦舌乾心常慘戚夜多異夢晝少精神或

夢與鬼交遺泄白濁小便餘瀝陽事不舉目暗耳鳴面色黧黑

新蓮肉

四兩去心皮

白龍骨

四兩醋煮

甘草

一分

右為末用車前草汁入麪少許煮和丸如菜菔大鹽湯酒任下三
五十九丸

家韭子丸 方証見遺尿門。

威喜丸 治精氣不固餘瀝常流小便白濁夢泄及婦人血海久冷

白帶白漏白淫身常濕小便如米泔或無子息

白茯苓

四兩

猪苓

一分去皮煮校苓數十滾

黃蠟

四兩

右只用茯苓一味為末溶黃蠟為丸如彈子大空心細嚼令口內
生津液徐嚥兼治兩耳虛鳴口乾

鎖陽丹 治脫精洩不禁

龍骨

茯苓

各一兩

桑螵蛸

二兩 瓦上焙燥黃

右為末。麴和丸。如桐子大。煎茯苓湯下。七十丸。鹽湯下。食前。

一方。用茯苓猪苓木饅頭和皮子切。等分為末。

一方。用破故紙青鹽搥碎。等分同炒香。為末。並服二錢米飲調下。

十四友丸。補心腎虛。怔忡昏曠。神志不寧。睡卧不安。故經曰。臟有所傷。情有所倚。人不能懸其病。則卧不安。

人參 熟地 茯苓 茯神 當歸 黃芪 阿膠

蛤粉炒

棗仁炒 柏子仁研別 紫石英研別 遠志 肉桂

各一兩

辰砂一分 別研

右為末。別研五味。蜜丸。桐子大。以大棗湯下。三十九丸。

宣和賜耆絲丸。治少年色慾過度。精血耗竭。心腎氣憊。遺泄白濁。

腰背疼痛。面色黧黑。耳聾目昏。口乾脚弱。消渴便利。夢與鬼交。陽

事不舉。

當歸

酒浸焙乾半斤

兔絲子

酒浸煮搗乾一斤

米仁

茯苓神一用

鹿角霜

石蓮肉去皮

熟地各四兩

右為末用黃芪二斤搥碎以水六升浸一宿次早接水洗味淡去

渣於銀石器中熬汁成膏搜和搗數千杵丸桐子大每服五十丸

至百丸米湯酒任下常服守中安神禁固精血益氣駐顏延年不

老

參香散 治心氣不寧諸虛百損肢體沉重情思不樂夜多異夢盜

汗失精恐怖煩悸喜怒無時口乾咽燥欲飲水漿飲食減少肌肉

瘦悴漸成勞瘵常服補精血調心氣進飲食安神守中功效難盡

人參 黃芪 茯苓 白朮 山藥 蓮肉各一兩 砂仁

烏藥 橘紅 炮薑各五錢 木香 檀香 丁香各一分 吳草三分

沉香二錢

右劉散每服四錢加薑棗煎七分一法有熟附子五錢
吳黼堂曰類集諸方皆補養之品而用以治病者僅見一二為虛
人無外感者立法則可耳

三因極一病源論粹方卷之十三終

三因極一病源論粹方卷之十四

水腫敘論

夫腎主元氣天一之水生焉。肺主沖化地四之金屬焉。元氣是水中之火。所以太陽合少陰主精髓以滋血。沖化乃土中之金。所以太陰合陽明主肌肉以養氣。今腎虛則火虧。致陽水凝滯。肺滿則泛溢。使陽水沉潛。沉潛則氣閉凝滯。則血淖。經絡不通上為喘急。下為腫滿。故經曰。腎為少陰。肺為太陰。其本在腎。其末在肺。皆至陰以積水也。所以能聚水而生病者。蓋以腎為胃關。關鍵不利。樞機不轉。水乃不行。滲透經絡皮膚。浮腫諸證不同。廣如經說治法曰。平治權衡者。察脈之浮沉也。去菟陳莖者。疎滌腸胃也。開鬼門。潔淨府者。發汗利小便也。原其所因。則冒風寒。暑濕屬外。喜怒憂思屬內。飲食勞逸。背於常經。屬不內外。皆致此病。治之當究其所因。及諸禁忌而為治也。

水飲證治脈例

古方水腫證候。以短氣不得卧。為心水。兩脇疼痛為肝水。大便鴨溇為肺水。四肢若重為脾水。腰痛足冷為腎水。口苦咽乾為膽水。乍虛乍寔為大腸水。腹急肢瘦為膀胱水。小便秘澁為胃水。小腹急滿為小腸水。各隨其經絡。分其內外。審其脈證而甄別之。然此十水。謂之正水。外有風水。皮水。石水。黃汗。以義攷之。風合歸肝。皮合歸肺。黃汗歸脾。石合歸腎。雖名理不踰。奈證候少異。古方備列。不可不辨。但風水脉浮。必惡風。皮水其脉亦浮。跗腫按之沒指。不惡風。石水脉沉。腹滿不喘。黃汗脉沉遲。發熱胸滿。四肢頭面腫。久而不愈。必致癰膿。又曰。不惡風。小便利。上焦口多涎。為黃汗。正水寸口脉浮。而遲。浮則熱。遲則潛。熱潛相搏。名曰沉。跌陽脉浮。而數。浮即熱。數即止。熱止相搏。名曰伏。伏沉相搏。名曰水。沉則絡脉虛。伏則小便難。虛難相搏。水走

皮膚。即為水矣。此金匱節文。所以用寸口跌傷二脈者。蓋水氣不在一經也。大抵脈浮帶數。即是虛寒。潛止於其間。久必沉伏。沉伏則陽虛陰寔。為水必矣。要知水脈必沉。論曰。脈出者死。與病不相應也。諸唇黑則傷肝。缺盆平則傷心。臍出則傷脾。足心平則傷腎。背平則傷肺。凡此五傷。決不可療也。治法曰。腰以上腫。宜發汗。腰以下腫。宜利其小便。學者當知之。

復元丹 治水腫病。夫心腎真火能生脾之真土。今真火之氣虧。不能滋養真土。故土不能制水。水液妄行。三焦不瀉。氣脈閉塞。樞機不通。喘急奔息。水氣盈溢。滲透經絡皮膚。溢滿足脛。尤甚兩目下腫。腿股間冷。口苦舌乾。心腹堅脹。不得正偃。偃則咳嗽。小便不通。夢中虛驚。不能安卧。

附子

炮二兩

木香

煨

茴香

炒

川椒

炒出汗

獨活

厚朴

去皮薑製

白

木畧炒

陳皮 肉桂 澤瀉

吳茱萸一兩半

肉菓

栝榔各五錢

右為末。糊丸。桐子大。紫蘇煮湯下。無時。此藥世傳屢驗。未嘗示人。其間君臣佐使與造化同妙。服者自知。要當屏去諸藥。一日三服。先此旋利如傾。次序腫消喘止。蓋藥能助真火。以養真土。更運動樞機。平安必矣。法當禁欲。并絕鹽物。半年後始不再作。

當歸散 治同前

當歸洗

木通

赤茯苓

肉桂

栝榔

赤芍

陳皮

丹皮

木香煨

白朮

各等分

右為末。脚膝頭面腫。大小便不通。每服二錢。水一盞。紫蘇葉二葉。淡木瓜一片。如指大。同煎八分。溫服。日三服。知已愈。早晚二服。覺氣下。或小便快。是效。藏寒。去栝榔。臍已出。添大腹皮。猪苓各一兩。忌烏雞肉。鹽酸海味。

正陽丹 治水腫

宣木瓜

四兩重一枚剉用童便酒各三升煮爛絞汁

人參 一兩

大荳

煮去皮晒乾十兩

附子 五錢

銀硃 二錢

另研

右為末。入銀硃研勻。以木瓜膏和丸。梧子大。米湯下五十九。

消腫丸

治水腫喘滿。小便不利。

滑石

木通

白朮

茯神

茯苓

陳皮

黑丑

炒

半夏

通脫木

各一分

丁香

木香

各半

瞿麥

一分

右為末。酒糊丸。梧子大。食前。燈心麥冬湯下。三十九。

消腫散

治水氣浮腫。喘呼不得睡。煩熱躁擾。渴燥。大小便不利。

大黃

蜜蒸

黑梔

甘草

炙

乾葛

陳皮

麻黃

去節湯泡

川芎

馬牙硝

等分

右為末。每服二錢。蜜調下。

棗仁散 治水氣浮腫無問新久老少悉可服惟禁鹽必效

棗仁 赤茯苓 肉桂 等分 為末每服二錢米飲調下

禹餘糧丸 治十種水氣凡脚膝腫上氣喘滿小便不利但是水氣悉皆主之

蛇含石 大者三兩 以新鐵銚盛入一秤炭火中燒蛇黃石與銚子一般

通赤以鉗取銚子出傾石入酸醋二升中候冷出蛇石研極細方止

鐵砂 五兩 水淘淨乾之更以銚子炒乾同禹餘糧和用米醋二

升就銚子煮醋乾為度入一秤炭火內燒通赤傾淨磚上候冷取研無聲

禹餘糧 三兩 以三物為主其次量人虛寔入下項藥治水多是取

轉惟此三物既非大戟甘遂芫花之比又有下項藥扶持故虛人

老人皆可服。

羌活 木香

茯苓

川芎

牛膝酒浸

白豈寇炒

茴香炒

蓬朮

炮

三稜炮

肉桂

炮薑

青皮

白蒺藜

附子

炮

當歸

酒浸一宿
各五錢

虛人老人全用伍錢壯寔人減之

右為細末拌極勻以神麪和藥再杵極細煮糊為丸桐子大食前
溫酒下三十丸至五十丸惟忌鹽雖毫末不得入口若無以為味
即水病去後且以醋少許調和食不能忌鹽勿服果欲去病切須
忌鹽但試服藥即於小便內旋去不動臧府病日去每日二三服
兼以溫和調補氣血用藥以助之真神方也

第一退水丸

能化氣退水腫去苑莖陳利濕通小便

蓬朮

炮

三稜

煨

肉桂

青皮

益智仁

各五錢

巴豆

二兩去
皮油研

右為末麪糊丸梧子大用黃梔十個劈破荊芥黑丑酸漿草各少

許煎湯下二三十丸。

第二退水餅 服前藥未效即服此方。

甘遂 大戟

右為末入麩和水為餅如棋子大以火煨熟五更時以淡茶湯嚼下一餅。

第三大腹子散 取轉後調正胃氣進飲食。

大腹子炒

肉桂

茴香炒

陳皮各五錢

右為末每服二錢米飲調下。

桃紅散 治正水脹急大小便不利逆閉欲死方。

甘遂

五錢半生半炒

枳

十文另研

右為末研勻每用一錢以白麩四錢水調入藥搜和切作棋子大白水煮浮更不得使鹽料物只淡食候大小便利去五六分用

後藥調補

平胃散 一兩

藥料一劑。將后藥加入。

此藥繼前藥服。

附子 炮

白朮 各一兩

丁香 五錢

右為末。和勻。每服二錢。薑七片。棗三枚。煎七分。日三五服。如脚腫未退。可灸三陰交。及風門穴。腫退必矣。

大九 治遍身腫滿。及痰氣食積。傷寒感風。脾氣橫泄。

羌活

白朮 各五錢

陳皮

木通

黃芪

桑白皮 各三分

木香

一分

黑丑 十兩。半生半炒。

右為末。蜜丸。彈子大。治風痰。散腹脇壅滯。清頭目。濃煎薑湯下。取食傷。止赤白利。煎棗湯下。小便不利。燈心湯下。傷寒。葱茶下。如未快。以稀粥投之。用熱茶湯下。亦可。須七日後。方可服。已得瀉。急欲止之。投冷白粥。即自止。婦人產後 一作前 並宜服之。服此藥。須住他藥三

日并不得吃生冷葷腥滋味。一日只吃軟飯淡粥。次日早進

千金散

藿香 炙草 炮薑 神麴 茯苓各一兩 人參 肉桂各五錢

陳皮 厚朴製各二兩

右為末。薑三片。鹽一捻。每服二錢。一方有厚朴。薑汁炒。

葶藶大丸 治腫滿腹皮四肢枯瘦小便澀濁

甜葶藶隔紙炒 薺菜根等分

右為末。蜜丸彈子大。每服一丸。陳皮湯嚼下。一二丸。只三丸。小便

清利。數丸。腹當依舊。

料簡

病有風水皮水石水黃汗。皆與正水同。為治自別。

大葶湯 治風水通身腫骨節疼惡風自汗眼合不得短氣欲絕其

脈浮。

大荳

杏仁

炒去皮尖

麻黃

去節

防風

猪苓

各四兩

澤瀉

黃

芪

烏頭

各三兩炮

茯苓

白朮

各五兩

甘遂

炒

炙草

各三兩

半

夏

五兩洗

防己

四兩

右咬咀。每服五錢。水二盞。酒半盞。薑七片。煎七分。以大小便利而腫消。則停藥。未利。加生大戟五兩。葶藶二兩。隔紙炒香。無不快利。甘遂甘草似不當用之。然却效。非人情所可測也。

五皮飲

治皮水。四肢頭面悉腫。按之没指。不惡風。

一作寒

其腹如鼓。

不渴不喘。脈亦浮。

大腹皮

炙

桑白皮

炙

茯苓皮

生薑皮

廣陳皮

右各等分。每服四錢。煎好。入木香汁少許。服效。

澤漆湯

治石水。腹腫。四肢腫。不喘。其脈沉。

澤漆五兩洗去腥

桑皮六兩

射干滑浸

黃芩一作芩

茯苓白

朮各四兩

防已澤瀉各二兩

右咬咀每服五錢水三盞烏豈一合同煎七分日三服

黃汗依五疸法治之用黃芪酒

黃芪五兩

芍藥三兩

肉桂二兩

右為末每服四錢苦酒三合水一盞半煎七分

料簡

病有水腫相類者曰膚脹鼓脹腸覃石瘕脾氣橫泄五種治法亦復不同除鼓脹見腫滿門腸覃石瘕見婦人門今具膚脹及脾氣橫泄於後

附子萊菔湯治寒客皮膚穀穀然而堅腹大身腫按之陷而不起色不變病名膚脹一劑未快再作

附子

不炮大約八錢重去皮臍劈破兩半

萊豆

二兩

右加生薑一兩水二碗煎至一碗絞去滓分三服空心溫服次日將前附子破作四片再用萊豆二兩薑一兩如前煎服第三次後將附子作八片再如前煎法共用附子三枚薑三兩然前云破附子兩半后破四片第三次破八片則一枚而三次用之

無碍丸 治脾氣橫泄四肢浮腫心腹脹滿喘不得卧

蓬朮

煨

三稜

各一兩

大腹皮

三兩

木香

炮

檳榔

生各一分

右為末以炒麥芽為粉糊丸桐子大薑湯下二十九丸三稜煎治

如前

方見癥瘕門

茯苓分氣飲 治脾胃不和胸膈噎塞腹脇疼痛氣促喘急心下脹滿飲食不進嘔吐不止兼脾氣橫泄四肢浮腫

五味 桔梗 茯苓 甘草 陳皮 桑皮 大腹皮 蘇葉

各二

右為剉散每服四錢薑三片鹽少許煎七分

麻黃甘草湯 治氣急久不差遂成水腫如此者衆諸皮中浮以水攻也。面目身體從腰以上腫當以此湯發汗。

麻黃

二兩
去節

甘草 一兩

共為散每服四錢煎七分空腹溫服

茯苓蘇子丸

治面腫小便澆小腹脹滿

茯苓 蘇子

杏仁

各二兩
去皮尖

陳皮

防己

葶藶

各一兩一分
隔紙炒

右為末蜜丸小豆大以桑皮湯下三十九丸食後服

料簡

夫浮腫門類極多。自正水之餘。有風水皮水石水黃汗等諸症。入水腫門。如脾氣橫泄。脚氣支滿。膚脹鼓脹腸覃石癥。與夫造作干犯土氣。皆作浮腫。屬血屬氣。理自不同。奈外證相類。未易甄別。若不預學。

臨證必迷。錯亂汗下。皆醫殺之。更有氣分血分。亦入腫門。治之甄別。其可不學。古方類例。雖明多見。不學者抄寫數方。一道施治。倘非其病。妄投其藥。感者致困。困者必死。况有飲食禁忌。種種不同。學者勉之。不可輕玩。以病試藥。甚為不仁。戒之。戒之。

血分見婦人門氣分附方

後論

氣分證治

氣分與胸痺中滿皆相類。但胸痺屬氣寔中滿為氣虛。氣分則挾痰飲所隔。榮衛不利。腹滿脇鳴相逐。氣轉膀胱。榮衛俱勞。陽氣不通則身冷。陰氣不通則骨疼。陽氣前通則惡寒。陰氣前通則痺不仁。陽陰相得。其氣乃行。大氣轉。其氣乃散。寔則失氣。虛則遺溺。乃知氣挾痰飲之所為也。其脈寸口遲而濇。遲為氣不足。濇為血不足。跌陽脈微而遲。微則為氣遲。則為寒。斯證也。名曰氣分。

桂附湯 治心下堅大如盤邊如旋盤水飲所作名曰氣分。

肉桂 三兩

炙草

麻黃 去節湯焙乾

細辛

去苗各二兩

附子

四隻炮

右㕮咀每服四錢薑七片棗三枚煎七分溫服汗出如虫行皮中即愈。

枳朮湯 治同前。

枳實

兩半

白朮

三兩

右㕮咀每服四錢煎七分溫服腹中軟即當散也。

吳鞠堂曰陳無擇以腫治例根據金匱及內難諸說歷代名醫無以易之但其所分十水雖本於古法鞠堂不信也攷西洋醫水腫原因有三一腎孟炎二肝漏液三心房失功用而心之水腫腫勢不甚獨腎炎腫因溺道失調水腫浩大昔醫用腎氣丸從腎施治所以奏效獨多審其蘊有溫熱者取用清潤之法王孟英治案具

在。余曾屢仿用之而屢效矣。

陰癩敘論

夫陰癩屬肝。係宗筋。胃陽明養之。世多不識。謂之外腎。非特名義差錯。亦使內藏不分。其可不辨乎。古方雖出四證。但曰陽癩。氣癩。水癩。卵脹。殊不別其所因。如陽癩。則因房室過度。元藏虛冷。腸邊管系不收。墜入癩中。上下無定。謂之腸癩。屬不內外因。病者久蓄憂思。恐怒。兼併。隨藏氣下襲。陰癩。腫脹急痛。名曰氣癩。屬內所因。病者久坐冷濕。濕氣下襲。致陰腫脹。名曰水癩。屬外所因。病者勞役無節。及跨馬坐車。致卵核腫脹。或偏有大小。上下無常。名曰卵脹。亦屬不內外因。有小兒生來便如此者。乃宿疾也。卵脹。腸癩。皆難治。氣癩。水癩。皆易治。又寒疝下注。入注於癩中。名曰狐疝。亦屬癩病。世人因此。並以癩病為疝氣。不審之甚也。婦人陰門挺出。亦稱癩病。名義不分。有如此者。

陰癩證治

凡癩病。惟腸癩無問貴賤。多有之。有睡卧骨系。延入脇下者。有墜入囊中者。或遇役勞。及天色變動。逼上囊根。腫急作痛。過於寒疝。得煖即下。其如卵脹。有作熱生膿。為癰潰爛者。比比有之。

茱萸內消丸 治陰癩偏大。上攻臍腹。疔痛。膚囊腫脹。或生瘡瘍。時

出黃水。腿股沉重。足脛腫滿。行步艱難。服之內消。不動藏府。

肉桂 二兩

大腹皮

五味子

海藻 洗

玄胡索

各二兩
五錢

茴

香 二兩

川棟子

二兩
炒

陳皮

桃仁 麩炒

枳實

各一
兩

木香

一兩
半

川烏

吳茱萸

石茱萸

白蒺藜

桔梗

青皮

山

茱萸

以上各
二兩

右為末。酒糊丸。梧子大。溫酒下。三十九。

大戟丸 治陰癩腫脹。或小腸氣痛。

大戟

五錢去皮炒黃

胡盧巴

四兩炒

檳榔

附子

炮

舶上茴香

訶

子煨

木香

各一兩

川楝子

五兩後入

麝香

五分另研

右為末以川楝子入好酒二升葱白七莖煮去皮核取肉和末為

丸梧子大薑湯下五七丸至十九丸潮熱疼痛炒薑酒下十五丸

煉陰丸

治陰器下墜腫脹卵核偏大堅如石痛不可忍

玄胡索

微炒去壳

海藻

洗

昆布

洗

青皮

茴香

炒

馬蘭花

各一

兩

木香

五錢

川楝子

一兩去核

大戟

一分酒浸三宿切片焙乾

右為末別用硃砂阿魏安息香各一分以酒醋各一升淘三物去

砂石熬成膏入麝香一錢沒藥一分入前藥末和丸菉豆大綿灰

酒下十丸至十五丸

抵聖丸

治膀胱有熱多因天氣熱而發陰癰腫滿赤痛大便秘欲

飲水按之臍下腹痛

續隨子 米仁 郁李仁 茵芋 白牽牛

各一錢 畧炒

右為末滴水丸梧子大每服五丸用博濟方香薑散為引煎服黃昏服五更利下惡物

兼金丸 治熱入膀胱臍腹上下及脇肋疼痛便燥欲飲水按之痛者

大黃

八錢 煨熱

硝石

桂心

炙草

各四兩

桃仁

四十粒 去皮尖

右為末蜜丸梧子大米飲下五七丸至十丸婦人血閉疼痛亦宜服之

應痛丸 治敗精惡物不去結在陰囊成疝疼痛不可忍久服去病

阿魏

二兩醋和蕎麥麩作餅厚三指裏阿魏慢火煨

檳榔

大者二枚剉作瓮子滿盛的着將來與蕎麥麩拌作餅子

煨慢火

右同研為末入礪砂末一錢赤芍末一兩共搜麩糊成丸桐子大

溫酒鹽湯下。十九至二十九食前服。

蒺藜丸 治囊核堅大。行動艱辛。發作牽引偏墜疼痛。

白蒺藜

去刺炒。

海藻

洗去鹽。

澤瀉

各一兩炒。

茴香

炒一兩五錢。

桂心

木通

牛膝

酒浸。

北五味

木香

煨。

檳榔

各二兩。

茯苓

人

參

遠志

薑汁炒各三兩。

川棟子

去核炒。

桃仁

去皮尖別研。

赤芍

川斷

續

山萸肉

肉苁蓉

酒浸。

青皮

各四兩。

右為末。蜜丸。梧子大。溫酒鹽湯下。三五十丸。

三白散

治膀胱蘊熱。風濕相乘。陰癩腫脹。大小便不利。

白牽牛

二兩。畧炒。

白朮

桑白皮

廣陳皮

木通

各五錢。

右為末。每服二錢。薑湯調下。未覺再進。此藥不損藏氣。只導利滯。

留。大率疝方。多用熱藥。此方惟導壅熱。證宜服之。

痲瘋散

治陰狐癩。氣偏。有大小時。時上下脹。人

蜘蛛十四枚

熬焦

桂心 五錢

右為末。蜜丸。桐子大。米飲下十丸。

牡丹散 治癩偏大脹不能動坐卧不安。

牡丹皮 防風 等分

右為末。酒服方寸匕。小品有桂枝豉鐵精共五味。

小兒以乳汁調下。一字許。

香附散 治癩脹。

香附 不拘多少為末。每用酒一盞。煎海藻一錢。至半盞先吃海藻。再取前酒調香附末二錢。

雄黃散 治陰囊脹腫如斗。核痛人所不能治。

雄黃 二兩

礬 二兩

各研

甘草 半兩

以水五升煎洗之。

吳鞠堂曰陰癩。即俗所云小腸氣也。西醫亦無治法。惟繫以電帶。

陳無擇引用諸方。殊有意義。惜未經試驗。效否不敢妄斷耳。

癰疽敘論

發背癰疽者。該三因而有之。論云。癰疽瘰癧。不問虛實寒熱。皆由氣鬱而成。經亦云。氣宿與經絡與血俱澁而不行。壅結為癰疽。不言熱之所作。而後成癰者。此乃因喜怒憂思有所鬱而成也。又論云。身有熱。被風冷搏之。血脈凝泣不行。熱氣壅結而成。亦有陰虛陽氣湊襲。寒化為熱。熱成則肉腐為膿者。此乃外因寒熱風濕所傷而成也。又有服丹石及炙煨酒麪溫床厚被所致。或盡力房室。精虛氣結所致者。此乃因不內外所傷而成也。故知三因備矣。又論云。癰者。節也。癰者。壅也。疽者。沮也。如是但陰陽不平。有所壅節。皆成癰疽。又曰。陰滯於陽。則發癰。陽滯於陰。則發疽。以此二毒發無定處。當以脈別之。浮洪滑數。則為陽。微沉緩澁。則為陰。陰則熱治。陽則冷治。治之之要。雖

有四節八事。所謂初覺則宣熱拔毒。已潰則排膿止痛。膿盡則消惡肉。惡肉盡則長肌傳痂。次序固明。若不別其因。施治亦昧。故治法中。有用遠志宣熱者。得非內因乎。至於外因。則用大黃。不內外因。則用甘草。世醫但泥方書。多用五香連翹與漏蘆二湯。更不知三因所自。其可守一法而普攻之。既得其因。又須觀病之淺深。與證候吉凶。寒則溫之。熱則清之。虛則補之。寔則瀉之。導以針石。灼以艾炷。破毒潰堅。以平為期。各有成法。近胡烝得一法方。寶秘之。特以獻洪丞相。與之作序。書重於世。已遍行矣。其方乃千金內補散。添黃芪人參。減桂。間有輕重者。服之稍效。若真癰疽。為害反甚。內補散當用在第四節。當先服內消等藥。俟膿盡。方得投之。苟專用之。亦所謂守一法也。孔子不嘗未達之樂者。良有旨哉。士大夫當深味斯言。無輕信醫方。以悞天下。後世謹之謹之。

癰疽證治

病者脈數身無熱而反洒淅惡寒若有痛處背發癰腫欲知有膿無膿以手掩腫上熱者為有膿不熱為無膿此亦大畧之說也自有脈數不熱而疼者發於陰也不疼者是惡證不可不知凡熱甚脈數即用漏蘆并單煮大黃等湯不甚熱脈緩弱只投五香連翹湯其他依四節八事次序及推三因以用藥未有不全濟也

遠志酒 治一切癰疽發背癰毒惡候浸有死血陰毒在中則不痛傳之則痛有憂怒等氣積而內攻則痛不可忍傳之即不痛或蘊熱在內熱逼人手不可近傳之即清涼或氣血冷清而不斂傳之即斂此本韓大夫定用以救人極驗若七情內鬱不問虛寔寒熱治之必愈

遠志心法 一味為末每服三錢酒一盞調少頃澄清飲之以滓傳

病處傳皆當作數

單煮大黃丸

大黃一味 孫真人云。緩急單煮一味為湯服即快利。此要法也。

獨聖湯 治服金石及食炙煨飲酒房勞為癰疽及諸惡瘡疼痛。

甘草半斤以水一斗浸一宿煎至五升以下去滓入銀石器中熬

為膏分二服溫酒臨卧下一服次日五更一服取下惡物為效。

通聖雙行湯 治傷風寒暑濕或泣或散使氣血滯凝肉腐為膿壅

結成癰疽隨處發作。

大黃一兩 木鱉 防風 枳壳 桔梗 甘草各一兩

右哎咀每服四錢水一盞煎七分去滓入朴硝二錢溶化熱服得

疏轉一二次即服萬金湯若陰證只服萬金不可用通聖雙行也。

萬金湯 治癰疽發背發肩發髭鬚發腦及婦人乳癰等定痛去毒。

甘草

五錢

沒藥

一分

瓜萋

一隻
去皮

右以無灰酒三升。煮至一升。隨量飲盡。或出血。或出黃水。效。

五香連翹湯 治一切惡核。瘰癧。癰疽。惡毒等病。

青木香 沉香 乳香 丁香 麝香 升麻 桑寄生 獨活

連翹 射干 木通

各二兩

大黃

三兩
蒸

右咬咀。每服四錢。水二盞。煮一盞以上。去滓。取八分清汁。熱服。半

日以上。未利。再轉服。以利下惡物為度。未生肉前服。不妨。以折去

毒熱之氣。本方有竹瀝。芒硝。恐泥者不能斟酌。故缺之。知者量自

入之。

漏蘆湯 治癰疽發背。疔惡肉。時行熱毒。發作赤腫。及眼赤生瘡。

漏蘆 白芨 黃芩 麻黃 白薇 枳殼 升麻

去節

麩炒

炙草 白芍 大黃 本方有芒硝。可去之。只加大黃。

各二兩

三兩
蒸

作兩
五

右吹咀。每服四錢。煎七分服。以快利為度。

忍冬酒 治癰疽腫毒甚效

忍冬草

取嫩苗或有花更妙

炙甘草

八錢

右同研。入酒一升半。以瓶口塞煮。溫服。仍以渣傳腫毒上。及用木蓮葉四十九片。搯去毛。研細。酒解溫服。功與忍冬草不相上下。又龍鱗薜荔一握。細研。以酒解汁溫服。亦能瀉下惡物。去其根本。轉毒散 治發背癰疽。不問淺深大小。利去根本。不動元氣神效。

車螯

紫背光厚者名昌熾蟻

甘草

一分

輕粉

五分

右以鹽泥固濟車螯。火煨。研取末一兩。入輕粉甘草。研勻濃煎。括芻酒調下四錢。五更初服。轉下惡物為度。未快再作。括芻湯。每用一隻。酒一碗。煎一盞為一劑。

靈寶膏

治發背癰疽。宣拔熱毒。排膿止痛。

瓜蒞

三十隻取仁炒香細研

乳香

二兩

胡桃

大十枚取肉去皮全瓜蒞仁研

白蜜

二片

右以銀石器內慢火熬成膏每服二匙溫酒調下無時
托裏散 治癰疽欲發未潰及已發服之內托不便透膜

神異膏方

瓜蒞子

鬼腰帶皮

皂角刺

射干

即仙人掌根細花紅者是

天蘿瓜

取子

各一個

茴香

木鱉

五個去壳

漢椒

一兩

右為末酒洗焙乾薄糊調作餅炙乾為末酒調下二三錢不飲酒
以木香湯下。

白玉膏

治收縮癰疽令不蔓衍切忌用冷藥外貼逼毒入裡殺人

杏仁

二十一粒別研去皮尖

川椒

四十九粒去目炒出汗為末

清油

一兩

酒蠟

半兩

右咬咀文武火熬柳青枝攪紫黑色綿濾過再熬滴水成珠攪淨
器內看瘡大小作新月樣紙花團圓貼候暈收更促小瘡頭聚用

後藥傳

棋連散 治癰疽瘡腫未潰已潰皆可傳

棋榔

川連 各五錢

川山甲

十片燒存性

右為末先點好茶以翎毛刷過瘡仍以茶清調傳瘡上如熱甚則雞子清調敷膿已潰則用長肌藥未快則用替針散

替針丸 治癰疽雖潰而膿不出用之必快

雄雀糞

二十七枚直者是

礪砂

一字七別研

陳倉米

沒藥

各一字研

右研勻以米飲丸如粟米每用一粒貼在瘡頭或瘡中即潰而膿出

生肌散 傳癰疽瘡毒即生肌

黃狗頭骨

燒存性二兩

膩粉

一錢

桑白皮

一兩

右為末用生麻油調敷自通聖萬金神異白玉棋連替針生肌凡七

方是一家行用均濟三因皆良藥也

瞿麥散 治癰疽已潰排膿止痛利小便

瞿麥 一兩 芍藥 肉桂 赤小豆 酒浸炒 川芎 黃芪 當歸

白蘄 麥冬 各二兩 去心 共為末酒調下二錢

內塞散 治癰疽熱退膿血不止排膿止痛

防風 茯苓 白芷 桔梗 遠志 甘草 人參 川芎 歸

身 黃芪 各一兩 肉桂 五錢 附子 一枚 製 厚朴 薑汁炒 一兩 赤小

荳 二兩半 酒浸炒

右為末每服二錢溫酒米湯調下

千金內補散 治癰疽發背惡肌不盡服此生肌消毒

當歸 肉桂 各二兩 人參 川芎 厚朴 薑製 防風 炙草

白芷 桔梗 各一兩

右為末每服二錢酒調下不能飲酒以木香湯調下。

善應膏 治癰疽潰後長肌傳痂。

白芷

黃芪

各一兩

甘草

二錢

黃蠟

二兩

黃丹

二兩半

右以前三味為粗末春秋用麻油四兩半夏四兩麥冬五兩熬藥紫色綿濾去滓再入黃蠟黃丹以柳枝不住手攪滴水成珠即止用如常法。

豬蹄湯 洗發背癰疽。

豬蹄

一具治如食法

黃芪

川連

白芍

各三錢三字

黃芩

一分

薔薇

根

狼牙

各一兩

右咬咀以水二斗煮豬蹄熟澄清得汁半斗許入藥煎至三盞去滓洗瘡以帛拭乾日二如痛疼加當歸甘草各一分。

外食散 治癰腫惡肉不盡膿水淋漓傳此能消肌長肉。

白礬

銀錫內用瓦蓋
煨令性盡一兩

好坯

血竭

各一兩

右研細用桑漿旋搜為膏量瘡大小貼之忌鯽魚酒麩毒物等

瘡漏脈例

經云陷脈為漏留連肉腠脈得寒即下陷凝滯肌肉故曰留連肉腠肉冷亦能為膿故為冷漏須用溫藥方如後

陷脈散 治漏瘡及二三十年癭瘤或大如杯盃久久不差致有漏潰令人骨消肉盡或堅或軟或潰令人驚惕寐卧不安體中掣痛愈而復作

炮薑

琥珀

大黃

附子

炮各一兩

丹參

三錢

石硫黃

白石

英 鍾乳粉

烏賊骨

各五錢

右為末貯磁合韋囊勿令洩氣若瘡濕即傅無汁煎猪油和傅之以乾為度或死肌不消加芒硝二兩亦佳

一法有胡燕屎一枚

桂附丸 治氣漏冷漏諸瘡

肉桂

附子

炮烈投米醋中後再炮再投三五次去皮尖

厚朴 薑製

灸草

白朮

各一

兩 木香 一分

乳香 二錢研

右為末密丸桐子大米飲下二三十丸

癰疽灸法

夫癰則皮薄腫高。疽則皮厚腫堅。初發並宜灼艾。惟癰成則宜針。疽成則宜烙。若能審其名證。早早施治。仍用藥以攻利其根。補托其裡。不必告醫。自料亦差。但世人忽之。爾醫方所以冠癰疽於雜病之先者。知為大病也。世醫失治療之序。顛倒錯亂。多致天枉。良可嘆息。故備集得效灸法。以貽學者。庶不致妄投也。

治初生癰疽發背神效灸法。累試有驗。江寧府紫極觀載之。因掘地

得石碑所載而得。

凡人初覺發背欲結未結赤熱腫痛先以濕紙覆其上立視觀之其紙先乾處即是結癰頭也取大蒜切成片如三大錢厚薄安其頭上用大艾炷灸之三壯即換一蒜片痛者灸至不痛不痛者灸至痛時方止最要早覺早灸為上一日二日十灸十活三日四日六七活五六日三四活過七日則不可灸矣若有十數頭作一處生者即用大蒜研成膏作薄餅鋪頭上聚艾於蒜餅上燒之亦能治也若背上初發赤腫一片中間有一片黃粟米頭子便用獨頭蒜切片去兩頭者取中間半寸厚薄正安於瘡上却用艾於蒜上灸十四壯至四十九壯

吳黼堂曰癰疽須分陰陽王洪緒全生集辨別特詳此篇列所驗方雖多仍屬未備

又曰。我國治癰疽。多有家傳秘法。非有傳授。不能精也。

三因極一病源論粹方卷之十四終